

國聞報

大日本明治三十一年三月二十九號

之在中國者非以土地爲利以通商爲利也夫我國政府立意不取支那寸土者職此故耳外人不容或謂英人垂涎舟山已非一朝一夕不
知舟山一地我英既不特爲屯兵聚糧以備東方有事之需縱令我英不拆一矢不損一兵信手而得然修築房舍建造營壘不無糜費此得
難償失也明矣今地球黃黑兩種已有四分之三歸吾管轄我英甚不欲華民入英民之籍者亦明矣由是而觀英人豈注意于東方土地耶
然則我英所注意者何祇冀商權無失而已今舉泰西諸國商利之在支那者較之我英十得其八故我英之意勿使中國拒絕通商爲要
如近來各國每挾勢力或迫北京界以利益或乘小釁侵其土地利己損人不顧大局我英有言在先只求東方平權而已今也東方權利各
思爭勝一國倡之眾國繼之魚肉支那伊于胡底此無怪乎支那之視通商各國概同仇敵者也 按以上所論若德若美若日本未嘗不深
以爲然也近日德報疊云目下德國所均望者惟東方安靜無事各國平權而已至于美日兩邦一切製造諸貨暢銷于中國者最廣其惟保
守商權爲要固不待言今爲英計東方權利首在保商保商之要惟增水師而已 譯英正月十五號理財報

